



Broj:04-11-3619/23

Datum: 15.01.2024.godine

Na osnovu člana 64. stav (1) tačka b) najniža cijena, člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14, 59/22), na Preporuku Komisije za javnu nabavku broj: 04-11-3619/23 od 15.01.2024. godine, u postupku javne nabavke – Izgradnja i rekonstrukcija ulične ulične rasvjete u MZ-a; Lot 1.-Izgradnja ulične rasvjete u MZ Kijevo, Općinski načelnik donosi:

## **ODLUKU** **o izboru najpovoljnijeg ponuđača**

### **Član 1.**

Prihvata se Preporuka Komisije za javne nabavke, broj: 04-11-3619/23 od 15.01.2024. godine i ugovor za javnu nabavku: - Izgradnja i rekonstrukcija ulične ulične rasvjete u MZ-a; **Lot 1.- Izgradnja ulične rasvjete u MZ Kijevo dodjeljuje se ponuđaču “Elektro Montaža” d.o.o. Ključ**, ponuda broj: 265-12-6/23 od 20.12.2023.godine, za ponuđenu cijenu, nakon održane e-aukcije od 12.390,00 KM bez PDV-a ( cijena sa PDV-om iznosi 14.496,30 KM) kao najbolje ocijenjenom ponuđaču.

### **Član 2.**

Prijedlog ugovora o nabavci dostavit će se na potpis izabranom ponuđaču „Elektro Montaža” d.o.o. Ključ po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

### **Član 3.**

Za izvršenje ove odluke zadužuje se i ovlašćuje Služba za finansije, trezor i zajedničke poslove.

### **Član 4.**

Ova odluka objavit će se na web-stranici [www.sanskimost.gov.ba](http://www.sanskimost.gov.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

## **Obrazloženje**

Postupak javne nabavke – Izgradnja i rekonstrukcija ulične ulične rasvjete u MZ-a; **Lot 1.- Izgradnja ulične rasvjete u MZ Kijevo**, pokrenut je rješenjem o pokretanju postupka javne nabavke broj: 04-11-3619/23 od 04.12.2023. godine.

Javna nabavka je provedena putem konkurentskog zahtjeva za dostavljanje ponuda. Procijenjena vrijednost javne nabavke, za Lot 1., bez PDV-a je 20.941,50 KM.

Obavijest o nabavci broj: 305-7-3-67-3-103/23 poslana je na objavu dana 08.12.2023. godine i isti dan objavljena je na portalu javnih nabavki u sistemu „e-nabavke”.

Komisija za javnu nabavku imenovana rješenjem, broj: 04-11-3619/23 od 12.12.2023. godine, dostavila je dana 15.01.2024. godine Zapisnik o ocjeni ponuda i Preporuku o izboru najpovoljnijeg

ponuđača, broj: 04-11-3619/23, u postupku javne nabavke: – Izgradnja i rekonstrukcija ulične ulične rasvjete u MZ-a; **Lot 1.-Izgradnja ulične rasvjete u MZ Kijevo.**

U postupku po izvješću o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 6 (šest)
- da je blagovremeno zaprimljeno 6 (šest) ponuda
- da su ponude ponuđača “Elektro Montaža” d.o.o. Ključ, “Elmex” d.o.o. Ljubuški, “Spotlight” d.o.o. Sarajevo, “System Security” d.o.o. Prijedor, Mas-light “Saša Trade” d.o.o. Doboj i “Nexen” d.o.o. Banja Luka prihvatljive.

Naziv / ime ponuđača	Ponuđena cijena (bez PDV-a)
1 „System Security” d.o.o. Prijedor	20.846,00
2 „Elmex” d.o.o. Ljubuški	20.925,00
3 Mass-light “Saša Trade” d.o.o. Doboj	20.940,00
4 „Elektro Montaža” d.o.o. Ključ	20.940,00
5 „Spotlight” d.o.o. Sarajevo	20.940,00
6 „Nexen” d.o.o. Banja Luka	20.941,50

U skladu sa tačkom 9. tenderske dokumentacije zakazana je i provedena e-aukcija u sistemu e-nabavke u skladu sa Pravilnikom o uslovima i načinu korištenja e-aukcije („Službeni glasnik BiH”, broj: 66/16) E-aukcija je zakazana dana 09.01.2024. godine u 08:24:36 sati sa terminom održavanja 11.01.2024. godine sa vremenom početka u 10:00:00 sati i predviđenim trajanjem e-aukcije od 10 minuta.

Nakon okončane e-aukcije koja je trajala u vremenskom periodu od 11.01.2024. godine od 10:00:00 do 11.01.2024. godine do 12:06:00 sati, a u skladu sa Izvještajem o toku i završetku e-aukcije, Komisija je konstatovala **da je došlo do promjene cijene u odnosu na početne**, te je utvrdila konačnu rang listu ponuđača kako slijedi:

Naziv / ime ponuđača	Ponuđena cijena (bez PDV-a)
1 „Elektro Montaža” d.o.o. Ključ	12.390,00
2 „Elmex” d.o.o. Ljubuški	12.400,00
3 „Spotlight” d.o.o. Sarajevo	19.800,00
4 „System Security” d.o.o. Prijedor	20.846,00
5 Mass-light “Saša Trade” d.o.o. Doboj	20.940,00
6 „Nexen” d.o.o. Banja Luka	20.941,50

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija najniže cijene.

Izabrani ponuđač: „Elektro Montaža” d.o.o. Ključ, ponuda broj: ponuda broj: 265-12-6/23 od 20.12.2023. godine, je izabran primjenjujući kriterij najniže cijene, koja je nakon održane e-aukcije ponuđena u iznosu od 12.390,00 KM bez PDV-a /ukupna cijena sa PDV-om iznosi 14.496,30 KM /.

Iz navedenih razloga, primjenom člana 64. stava (1) tačka b), najniža cijena, Zakona o javnim nabavkama, odlučeno je kao u dispozitivu.

#### **Pouka o pravnom lijeku:**

Protiv ove odluke može se izjaviti žalba Uredu za razmatranje žalbi BiH, Filijala Mostar, putem Ugovornog organa, najkasnije u roku od 5 (pet) dana od dana prijema ove odluke.

Dostaviti:

1. „Elektro Montaža” d.o.o. Ključ  
Rejzovići bb., 79280 Ključ
2. „Elmex” d.o.o. Ljubuški  
Vukovarska br. 12., 88320 Ljubuški
3. „Spotlight” d.o.o. Sarajevo  
Ul. Brčanska br. 15., 71000 Sarajevo
4. „System Security” d.o.o. Prijedor  
ul. Mile Rajlića br. 13., 79101 Prijedor
5. „Saša Trade” d.o.o. Doboj  
Pločnik bb., 74000 Doboj
6. „Nexen” d.o.o. Banja Luka  
Ul. Kozarska br. 61b., 78000 Banja Luka
7. u dosije
8. a/a

